

**ODLUKU  
O ODREĐIVANJU KOORDINIRAJUĆE INSTITUCIJE I  
KONTAKT TAČKE ZA PRIMJENU MAPE PUTA ZA  
IMPLEMENTACIJU EU DIREKTIVE O REGULISANIM  
PROFESIJAMA 2005/36/EZ I 2013/55/EU<sup>1</sup>**

Član 1.

(Predmet Odluke)

Ovom odlukom imenuju se koordinirajuća institucija i kontakt tačka za primjenu Mape puta za implementaciju EU Direktive o regulisanim profesijama 2005/36/EZ i 2013/55/EU (u daljem tekstu: Mapa puta).

Član 2.

(Koordinirajuća institucija)

- (1) Za koordinirajuću instituciju za primjenu Mape puta određuje se Ministarstvo civilnih poslova Bosne i Hercegovine.
- (2) Dužnosti koordinirajuće institucije su:
  - a) promocija jedinstvene primjene Direktive 2005/36/EZ Evropskog parlamenta i Vijeća od 7. septembra 2005. godine o priznavanju stručnih kvalifikacija (u daljem tekstu: Direktiva) u BiH;
  - b) prikupljanje svih informacija relevantnih za Direktivu;
  - c) saradnja sa subkoordinatorima iz Republike Srpske, Federacije Bosne i Hercegovine/kantona i Brčko distrikta Bosne i Hercegovine za odgovarajuće sektore ili profesije.

Član 3.

(Kontakt tačka)

- (1) Za kontakt tačku za primjenu Mape puta određuje se Centar za informiranje i priznavanje dokumenata iz oblasti visokog obrazovanja.
- (2) Dužnosti kontakt tačke su:
  - a) pružanje pomoći koordinirajućoj instituciji iz člana 2. ove odluke;
  - b) pružanje potrebnih informacija građanima i svim zainteresiranim stranama o priznavanju stručnih kvalifikacija, kao što su informacije o relevantnom zakonodavstvu u Bosni i Hercegovini;
  - c) učiniti dostupnim na svojoj internet stranici popis svih regulisanih profesija u Bosni i Hercegovini uključujući i kontakt podatke nadležnih tijela za svaku regulisanu profesiju i redovno ih obnavljati.
- (3) Kontakt tačka je dužna odgovoriti na svaki podneseni zahtjev za informaciju u roku od najkasnije 15 dana od dana podnošenja zahtjeva,
- (4) Kontakt tačka za Bosnu i Hercegovinu saraduje sa koordinirajućom institucijom, subkontakt tačkama iz Republike Srpske, Federacije Bosne i Hercegovine/kantona i Brčko distrikta Bosne i Hercegovine.

Član 4.

(Pravo na naknadu)

Lica angažirana u procesu nemaju pravo na naknade za obavljanje poslova navedenih u ovoj odluci.

<sup>1</sup> Čl. 56 i 57 Direktive 2005/36/EZ Evropskog parlamenta i Vijeća od 7. septembra 2005. godine o priznavanju stručnih kvalifikacija i njena izmjenjena Direktive 2013/55/EU Evropskog parlamenta i Vijeća od 20. novembra 2013. o izmjeni Direktive 2005/36/EZ o priznavanju stručnih kvalifikacija i Uredbe (EU) br. 1024/2012 o administrativnoj saradnji putem informacijskog sistema unutrašnjeg tržišta ("Uredba IMI")

Član 5.

(Stupanje na snagu i objavljivanje)

Ova odluka stupa na snagu osmog dana od dana objavljivanja u "Službenom glasniku BiH".

VM broj 60/17  
15. marta 2017. godine  
Sarajevo

Predsjedavajući  
Vijeća ministara BiH  
Dr. **Denis Zvizdić**, s. r.

---